



MD. Yunus bergambar bersama peserta Program Kepimpinan Pewaris Bangsa, di Taman Ekstrem Tasik Chinchin, baru-baru ini.



MUSTAFA menyampaikan cenderahati kepada Md. Yunus sambil diperhatikan Mohd Ridhwan.

Program kepimpinan suntik semangat pelajar

Lahir pemimpin masa hadapan

Oleh AFLEIZA ARSHAD

JASIN 16 Nov. - Program Kepimpinan Pewaris Bangsa peringkat Institut Pengajian Tinggi Awam dan Swasta (IPTA/S) anjuran Tabung Amanah Pelajar Melaka (TAPEM) diharapkan dapat membantu meningkatkan motivasi diri pelajar yang merupakan pelapis pemimpin negara pada masa hadapan. Exco Pelajaran, Pengajian Tinggi, Sains dan Teknologi, Teknologi Hijau dan Inovasi, Datuk Wira Md. Yunus Husin berkata, usaha menjaga

kecemerlangan golongan pelajar terutama dalam aspek kepimpinan terus menjadi agenda utama kerajaan. Katanya, ianya bagi memastikan negara tidak ketandusan pemimpin di semua peringkat pada masa hadapan. Menurutnya, aktiviti julung kali itu difokuskan kepada wakil-wakil pemimpin pelajar bertujuan memberi pendedahan kepada mereka agar mampu menyuntik semangat dan melahirkan pemimpin yang cemerlang dalam bidang profesional.

"Usaha yang dilakukan kerajaan untuk melahirkan golongan pemimpin pelapis harus mendapat kerjasama semua pihak termasuk ibu bapa dan masyarakat. "Mereka perlu bergeser sering menerapkan disiplin dalam kalangan anak-anak mereka yang bakal menjadi teras kepada sifat seorang pemimpin. "Hakikatnya, kita tidak mungkin dapat melahirkan pemimpin dalam sekelip mata mahupun melalui satu kursus. "Tetapi, diharapkan

kursus ini menjadi titik tolak membentuk jati diri semua pelajar dan program ini menunjukkan penganjur-tidak hanya mementingkan kecemerlangan akademik pelajar semata-mata, tetapi turut menyediakan ruang untuk mengasah kemahiran kendiri pelajar menggilap bakat kepimpinan," katanya. Beliau berkata demikian semasa berucap merasmikan Program Kepimpinan Pewaris Bangsa, di Taman Ekstrem Tasik Chinchin, Jasin di sini, baru-baru ini.

Hadir sama, Pengerus Besar TAPEM, Mustafa Musa, Penolong Pengerus Unit IPT TAPEM, Jabatan Ketua Menteri, Roslan Abu Samah dan Presiden Majlis Gabungan Belia Melaka (MGBM), Mohd Ridhwan Mohd Ali.

Menurut Md. Yunus, pengajuran program ini juga lebih memberi fokus kepada aspek berkaitan kepimpinan secara lebih mendalam dan menyebarkan khidmat bimbingan kepada pelajar sekolah bagi meningkatkan kualiti kepimpinan mereka.

"Program seumpama ini juga boleh dijadikan platform bagi meningkatkan kemahiran dan pengetahuan dalam pengurusan dan pengendalian aktiviti agar dapat mengelakkan sebarang permasalahan yang timbul.

"Selain itu, diharapkan dapat memberi kefahaman lebih jelas tentang peranan dan fungsi semua pihak terumata apabila golongan mahasiswa ini terutama apabila mereka keluar melangkah ke dunia pekerjaan kelak," katanya.

11/20